

গণপ্রজাতন্ত্রী বাংলাদেশ সরকার  
কাস্টমস গোয়েন্দা ও তদন্ত অধিদপ্তর  
আঞ্চলিক কার্যালয়  
সরকারি কার্যভবন-২ (২য় তলা)  
আহাবাদ, চট্টগ্রাম।

জিইপি/বাহক মারফত/ই-মেইল

Email: adgintelligence.ctg@gmail.com

নথি নং: ০৫/CIID-চট্টগ্রাম/কাস্টমস (৩০২)/ বিমানবন্দর/বিবিধ/২৩

প্রেরক: অতিরিক্ত মহাপরিচালক

তারিখ: ১০/৫/২০২৩ খ্রি.

কাস্টমস গোয়েন্দা ও তদন্ত অধিদপ্তর, আঞ্চলিক কার্যালয়

প্রাপক: কমিশনার অব কাস্টমস

কাস্টম হাউস, চট্টগ্রাম।

দৃষ্টি আকর্ষণ: ডেপুটি কমিশনার অব কাস্টমস, এয়ারপোর্ট ও এয়ারফ্রেইট ইউনিট  
শাহ আমানত আন্তর্জাতিক বিমান বন্দর, চট্টগ্রাম।

বিষয়: পবিত্র হজ্জ/ ওমরাহ এর যাত্রীর সঙ্গে আনীত স্বর্ণবার/স্বর্ণ পিন্ডের শুল্ক-কর আদায়।

সূত্র: কাস্টমস গোয়েন্দা ও তদন্ত অধিদপ্তর, এয়ারপোর্ট ও এয়ারফ্রেইট সার্কেল, শাহ আমানত আন্তর্জাতিক বিমান বন্দর, চট্টগ্রাম এর পত্র নথি নং: ০৫/০৭(০১)/০৪/গোপ/গোওত/চট্ট-এয়ারপোর্ট/বিবিধ/২০২০/২৬, তারিখ: ০৫/০৪/২০২৩ খ্রি।

উপর্যুক্ত বিষয় ও সূত্রের সংশ্লিষ্ট মহোদয়ের সদয় দৃষ্টি আকর্ষণ করা হলো।

০২। সূত্রোক্ত পত্রের আলোকে জানানো যাচ্ছে যে, পবিত্র হজ্জ ও ওমরাহ যাত্রীর সঙ্গে আনীত স্বর্ণবার/স্বর্ণ পিন্ডের শুল্ক-কর আদায় ও ডিএম এর বিষয়ে কমিশনার অব কাস্টমস, কাস্টম হাউস, চট্টগ্রাম মহোদয়ের মৌখিক নির্দেশনা মোতাবেক ডিএম এর পরিবর্তে বিআর এর মাধ্যমে নির্ধারিত শুল্ক-করাদি পরিশোধপূর্বক ছাড়করন করতে হবে মর্মে কাস্টমস গোয়েন্দা ও তদন্ত অধিদপ্তর, এয়ারপোর্ট ও এয়ারফ্রেইট সার্কেল, শাহ আমানত আন্তর্জাতিক বিমান বন্দর, চট্টগ্রাম হতে জানা যায়। উল্লেখ্য The Pilgrims Baggage (Import) Rules, 1977 মোতাবেক পবিত্র হজ্জ ও ওমরাহ যাত্রীর সঙ্গে স্বর্ণবার/স্বর্ণ পিন্ড আনার সুযোগ না থাকায় তা ডিএম করা আইনগতভাবে যুক্তিযুক্ত।

০৩। এমতাবস্থায়, পবিত্র হজ্জ ও ওমরাহ যাত্রীর সঙ্গে স্বর্ণবার/স্বর্ণ পিন্ড The Pilgrims Baggage (Import) Rules, 1977 মোতাবেক কার্যক্রম গ্রহণের নির্দেশনা প্রদানের জন্য অনুরোধ করা হলো।

স্বা:

মো: বশীর আহমেদ

অতিরিক্ত মহাপরিচালক

ফোন নং: ০৩১-৭২৩৫১৪

তারিখ: ১০/৫/২০২৩ খ্রি.

নথি নং: ০৫/CIID-চট্টগ্রাম/কাস্টমস (৩০২)/ বিমানবন্দর/বিবিধ/২৩/২১৫(১)

অনুলিপি সদয় অবগতির জন্য/অনুলিপি সদয় অবগতি ও প্রয়োজনীয় কার্যার্থে (জ্যেষ্ঠতার ক্রমানুসারে নয়):

- ০১। মহাপরিচালক, কাস্টমস গোয়েন্দা ও তদন্ত অধিদপ্তর, ঢাকা।
- ০২। কমিশনার অব কাস্টমস, কাস্টম হাউস, ঢাকা।
- ০৩। কমিশনার অব কাস্টমস, কাস্টমস, এক্সাইজ ও ভ্যাট কমিশনারেট, সিলেট।
- ০৪। অফিস কপি।



মো: বশীর আহমেদ

অতিরিক্ত মহাপরিচালক

## ৪.৬

## পিলগ্রিমস ব্যাগেজ (আমদানি) বিধিমালা, ১৯৭৭

১। (ক) এই বিধিমালা পিলগ্রিমস ব্যাগেজ (আমদানী) বিধিমালা, ১৯৭৭ নামে অভিহিত হবে।

(খ) এই বিধিমালা সরকার কর্তৃক জারীকৃত পিলগ্রিম পাসপোর্ট এর অধীন সৌদি বা ইরান হতে প্রত্যগত যাত্রীদের ক্ষেত্রে প্রযোজ্য হবে।

২। বিষয় বা প্রসঙ্গের পরিপন্থী কিছু না থাকলে এই বিধিমালায়—

(ক) 'ব্যাগেজ' বলতে নিজস্ব ন্যায়সঙ্গত পরিমাণ পরিধেয় সামগ্রী, যা ব্যবহৃত, ব্যবহার করা হচ্ছে কিংবা আমদানীর অব্যবহিত পরপরই ব্যবহার উপযোগী, এবং অন্যান্য ব্যক্তিগত অথবা পেশাগত সামগ্রীকে বুঝাবে। কিন্তু আংশিক সেলাই বা অসম্পূর্ণভাবে সেলাই করা পরিধেয় অথবা মাপ অনুযায়ী কাটা জামা অথবা সিল্ক কাপড়ের কোন খোলা পাগড়ী অথবা অন্য কোন কাপড় যা ছয় গজের উর্ধ্ব তা ব্যাগেজের অন্তর্ভুক্ত হবে না:

তবে শর্ত থাকে যে, ব্যাগেজের দ্রব্যাদি হজ্জ্বযাত্রীর অথবা তাঁর সহিত ভ্রমণরত পরিবারবর্গের ব্যবহারের জন্য আমদানী করা হয়েছে এবং বিক্রয়ের জন্য নহে;

(খ) 'পিলগ্রিমস' অর্থে একজন বাংলাদেশের মুসলিম নাগরিক যিনি হজ্জ্ব ধর্মীয় কার্যে ভ্রমণ শেষ করে সৌদি আরব অথবা ইরান বা ইরাকের পবিত্র স্থানসমূহ হতে বাংলাদেশে ফিরে আসছেন তাকে বুঝাবে।

৩। (১) কোন ব্যক্তি এবং তাঁর স্ত্রী যদি একত্রে ভ্রমণ করেন তবে তাঁদের ক্ষেত্রে ৪নং বিধিতে বিনির্দিষ্ট সর্বোচ্চ সুবিধা পৃথক পৃথকভাবে প্রযোজ্য হবে:

তবে শর্ত থাকে যে, তাঁদের উপর নির্ভরশীল সহযাত্রী ছেলে-মেয়েদের ক্ষেত্রে ন্যায়সঙ্গত পরিমাণ পরিধেয় বস্ত্র, খেলনা এবং যাত্রায় ভোগ্য খাদ্য সামগ্রী, যেমন টিনজাত দ্রব্য ব্যতিরেকে অন্য কোন সুবিধা প্রযোজ্য হবে না।

৪। একজন হজ্জ্বযাত্রী নিম্নলিখিত দ্রব্যাদি আমদানী পারমিট ছাড়া এবং শুদ্ধ আদায় ব্যতিরেকে তাঁর নিজের পরিধেয় হিসেবে অথবা তাঁর ব্যাগেজে আমদানী করতে পারবেন, যেমন:

- (ক) (১) যেকোন পরিমাণ জমজমের পানি;
- (২) যুক্তিযুক্ত সংখ্যক ধর্মীয় পুস্তক;
- (৩) তিনশত টাকা মূল্যের অনধিক মাটির ফলক যার উপর পবিত্র কোরাণ-এর আয়াত খোদাইকৃত আছে;
- (৪) জমজমের পানি দ্বারা ধৌত চল্লিশ গজ পর্যন্ত কাফনের কাপড়;
- (৫) একজনের নামাজ পড়ার উপযোগী নামাজের কার্পেট (জায়নামাজ) বারটির অধিক নহে;

- (৬) মাথায় ও গলায় বাঁধার উপযোগী (সূতী, অথবা সিল্কের) ধর্মীয় কাপড় অনধিক ছয়টি;
  - (৭) তসবিহ (মাটির অথবা কাঁচের অথবা আন্নার) ছয় ডজনের অধিক নহে;
  - (৮) সুরমা অর্থাৎ এন্টিমনি, শোধিত কিংবা অপরিশোধিত অবস্থায়, তিনশত টাকা মূল্যের অধিক নহে;
  - (৯) যুক্তিযুক্ত পরিমাণ পবিত্র স্থানসমূহের ছবি এবং মাদুলী;
  - (১০) পঁচিশ কিলোগ্রাম পর্যন্ত যে কোনভাবে প্যাক করা নরম অথবা শুকনা খেজুর;
  - (১১) একটি হাত ঘড়ি ও একটি টেবিল ঘড়ি;
  - (১২) চশমা এবং দৈহিক সুবিধার্থে ব্যবহার্য দ্রব্যাদি;
  - (১৩) একটি সিগারেট লাইটার;
  - (১৪) একটি ফাউন্টেন পেন ও একটি কাগজ কাটার চাকু;
  - (১৫) একটি স্টীল ফটোগ্রাফিক ক্যামেরা, ছয়টি প্লেট অথবা ছয়টি ফিল্মরোলসহ;
  - (১৬) ক্যাসেট ব্যবহারের উপযোগী অথবা উপযোগী নয় এমন একটি বহনযোগ্য ট্রানজিস্টার রেডিও;
  - (১৭) হজ্জযাত্রী (অথবা ধর্মীয় স্থান ভ্রমণকারী) ব্যবহার করছেন এরূপ ন্যায়সঙ্গত পরিমাণ ঔষধ, এবং
  - (১৮) অনধিক পঞ্চাশটি চুরুট অথবা অর্ধ পাউন্ড তামাক অথবা বিশ তোলা অধিক নস্য;
- (খ) সেই সমস্ত ব্যক্তিগত অলঙ্কারাদি যা বিহর্গমনের সময় হজ্জযাত্রীর পাসপোর্টে লিপিবদ্ধ করা হয়েছে;
- (গ) (ক) দফায় নির্ধারিত দ্রব্যাদি ব্যতীত বিদেশে সংগ্রহীত অথবা উপহার হিসেবে প্রাপ্ত অন্যান্য জিনিস যা ব্যবহৃত অথবা অব্যবহৃত এবং যার সর্বমোট মূল্য অনধিক এক হাজার টাকা, যার মধ্যে বিভিন্ন আকার ও পরিমাণের অনধিক তিনশত টাকা মূল্যের টুকরা কাপড় অন্তর্ভুক্ত থাকতে পারবে:
- তবে শর্ত থাকে যে, কোন (হজ্জযাত্রী অথবা) পিলগ্রিম আমদানী পারমিট ছাড়া বা শুদ্ধ পরিশোধ ব্যতীত একই প্রকারের দ্রব্যাদি তিন হাজার টাকার অনূর্ধ্ব মূল্য হলেও ন্যায়সঙ্গত পরিমাণের অধিক সংখ্যায় আমদানী করতে পারবেন না।

৫। বিধি ৪ এর পরিপন্থী যা বলা হয়েছে তা সত্ত্বেও প্রকৃত ব্যাগেজে অন্তর্ভুক্ত হবেঃ

- (ক) বিদেশে থাকাকালীন অথবা বাংলাদেশ হতে যাওয়ার অথবা ফিরে আসার পথে মৃত হজ্জযাত্রীর ব্যক্তিগত মালপত্র; এবং

- (খ) প্রমাণভিত্তিক যথাযোগ্য শুল্ক অফিসারের সম্মুখি সাপেক্ষে কোন যাত্রী কর্তৃক আমদানীকৃত তাঁর সহ-হজ্জযাত্রী আত্মীয় অথবা পরিবারের কোন মৃত ব্যক্তি মালপত্র যা ঐ ব্যক্তি জীবিত থাকলে ৪নং বিধির অধীনে বিনা শুল্কে বাংলাদেশে আমদানীযোগ্য বলে গণ্য হত।

৬। যেক্ষেত্রে কোন শুল্ক অফিসার কোন হজ্জযাত্রীকে আমদানীকৃত দ্রব্যাদির ঘোষণা প্রদান করার জন্য নির্দেশ দেন, সেরূপ ঘোষণা প্রদান ব্যতিরেকে ঐ হজ্জযাত্রীর দেয় শুল্ক উপরোক্ত বিধিমালা অনুযায়ী মওকুফ পাবে না:

(১) যদি কোন হজ্জযাত্রী বাংলাদেশে অবতরণ করেই শুল্ক অফিসার কর্তৃক প্রদেয় 'এ' ফরমে ঘোষণা করেন যে, তাঁর কিছু মালপত্র তাঁর আগে এসেছে অথবা পরে আসবে তা হলে তাঁর সঙ্গে আনা মালপত্রের উপর যে বিধিনিষেধ প্রযোজ্য, তা ঐ সকল মালের উপর একত্রিতভাবে প্রযোজ্য হবে:

তবে শর্ত থাকে যে, ঐ সমস্ত দ্রব্যাদি বাংলাদেশে আসার পথে তাঁর বিমান অথবা জাহাজে আরোহন করার ২ (দুই) মাসের মধ্যেই পৌঁছাতে হবে।

(২) যদি কোন কারণে সঙ্গে আনা মালপত্র (১) উপ-বিধিতে নির্দেশিত মেয়াদের মধ্যে না পৌঁছায় তা হলে কাস্টমস কমিশনার যদি সম্মুখি হন যে, মালগুলি সম্ভবপর স্বল্প সময়ের মধ্যে প্রেরিত হয়েছে তা হলে তিনি ঐ সমস্ত মালের উপর শুল্ক মওকুফ করতে পারবেন।

(খাজা সরওয়ার)

প্রথম সচিব।